

ভাৱেৰ কাগজ

আপনি দেখছেন » শুক্রবার, ২৪ অক্টোবর ২০১৪

১২

মদন ও বাঘায় স্যানিটেশন মাস পালন

মদন (নেত্রকোনা) প্রতিনিধি : গত বুধবার মদন উপজেলা প্রশাসন ও জনস্বাস্থ্য প্রকৌশল অধিদপ্তরের উদ্যোগে এবং ব্র্যাকওয়াশ কর্মসূচির সহযোগিতায় এক বর্ণাঢ্য র্যালি উপজেলার প্রধান প্রধান সড়ক প্রদক্ষিণ শেষে উপজেলা পাবলিক হলরুমে আলোচনা সভা অনুষ্ঠিত হয়।

উপজেলা নির্বাহী অফিসার মোঃ খুরশীদ শাহরিয়ারের সভাপতিত্বে সভায় প্রধান অতিথি হিসেবে বক্তব্য রাখেন উপজেলা চেয়ারম্যান এম এ হারেছ। অন্যান্যের মাঝে বক্তব্য রাখেন আওয়ামী লীগের সাধারণ সম্পাদক আব্দুছ ছান্নার আকন্দ, উপজেলা শিক্ষা অফিসার মোঃ আফতাব উদ্দিন, জনস্বাস্থ্য প্রকৌশলী আবুল কায়সার তালুকদার, অধ্যক্ষ আনোয়ার হোসেন, ব্র্যাকওয়াশ কর্মসূচির সিনিয়র ম্যানেজার আমিনুর রহমান, শিক্ষক আবু হান্নান তালুকদার, আয়েশা আক্তার প্রমুখ।

বাঘা (রাজশাহী) প্রতিনিধি : রাজশাহীর বাঘায় উপজেলা প্রশাসন ও জনস্বাস্থ্য প্রকৌশল অধিদপ্তরের আয়োজনে এবং বেসরকারি সংস্থা

ব্র্যাকওয়াশ কর্মসূচির সহযোগিতায় স্যানিটেশন মাস অক্টোবর ২০১৪ পালন করা হয়। এ উপলক্ষে বুধবার বেলা ১১টায় এক বর্ণাঢ্য র্যালি ও উপজেলা অডিটোরিয়ামে আলোচনা সভায় অনুষ্ঠিত হয়। র্যালিতে উপজেলার বিভিন্ন শিক্ষা প্রতিষ্ঠানের শিক্ষার্থী, শিক্ষকসহ, সরকারি, বেসরকারি কর্মকর্তারা অংশগ্রহণ করেন। র্যালিটি উপজেলার প্রধান প্রধান সড়ক প্রদক্ষিণ শেষে উপজেলা অডিটোরিয়ামে এক আলোচনায় সভায় মিলিত হয়।

আয়োজিত সভায় উপজেলা নির্বাহী কর্মকর্তা বাদল চন্দ্র হালদারের সভাপতিত্বে ও উপজেলা জনস্বাস্থ্য প্রকৌশলী আফতাবুর রশিদের পরিচালনায় বক্তব্য রাখেন উপজেলা চেয়ারম্যান মওলানা জিন্নাত আলী, ভাইস চেয়ারম্যান ও প্যানেল চেয়ারম্যান-১ বীর মুক্তিযোদ্ধা মুহম্মদ শফিউর রহমান শফি, নারী ভাইস চেয়ারম্যান ফারহানা দিল আফরোজ রুমি, উপজেলা শিক্ষা কর্মকর্তা কাজী আবদুল মোকিম, ব্র্যাকওয়াশ কর্মসূচির আঞ্চলিক ব্যবস্থাপক আবু দাউদ প্রমুখ।